



**Comhairle Contae
Dhún na nGall**
Donegal County Council

Saoiste - Seirbhís Bóithre

Eolas d'Iarratasóirí

Samhain, 2025

1. An Post

Tá an Chomhairle ar lorg iarratas ó iarrthóirí a bhfuil na cáilíochtaí cuí agus taithí ábhartha acu fa choinne post mar Saoiste - Seirbhís Bóithre.

Tá sé i gceist ag an Chomhairle painéal d'iarrthóirí cáilithe a chruthú óna líonfaidh sé folúntais buan agus shealadach de réir mar a thiocfaidh na folúntais sin chun cinn le linn shaolré an phainéil.

Tuairisceoidh an t-iarrthóir rathúil do Mhaoirseoir na Seirbhísí Bóithre nó d'aon duine iomchuí eile de réir mar a chinneadh an Chomhairle, ó am go ham.

2. Ról, Dualgais & Freagrachtaí

Leagfaidh an Chomhairle dualgais ar an té a cheapfar a bheas ag teacht leis an ról atá aontaithe don phost seo. Tá liosta dualgas, nach bhfuil uileghabhálach, don ról seo le fáil thíos:

Príomhdualgais:

- Tacaíocht a chur ar fáil don Mhaoirseoir/Mhaor Seirbhísí Bóithre trí;
 - Maoirseacht a dhéanamh ar oibreacha (lena n-áirítear maoirseacht a dhéanamh ar bhaill foirne, ineallra agus ábhair) faoi choinne obair chothabhála agus tionscadail tógála úra.
 - A chinntiú go gcuirtear polasaithe reatha Sláinte, Sábháilteachta agus Folláine na Comhairle i bhfeidhm (go leictreonach nuair is gá)
 - Tabhairt faoi athbhreithnithe ar staid na mbóithre.
 - Tuairisciú don Mhaoirseoir/Mhaor Seirbhísí Bóithre i dtaca le hiarratais ó Chomhairleoirí, ionadaithe de chuid grúpaí pobail, soláthróirí, conraitheoirí srl.
 - Tuairisciú a dhéanamh i dtaca le gearán le go dtig an gá atá le hobair feabhsúcháin agus cothabhála ar stráicí éagsúla den ghréasán a mheas.
 - Cuidiú a chur ar fáil i dtaca le meastacháin costais a ullmhú lena n-áireofaí taisc amhail fad nó leithead bóithre srl. a thomhas.
 - Monatóireacht a dhéanamh ar bhuiséid ar thionscadail a bheadh sannta dó/di.
 - Taifid a ullmhú lena n-áirítear bileoga ama, pleananna um chórais shábháilte oibre, cigireachtaí ar innealra, srl. (go leictreonach nuair is gá)

Dualgais eile:

- A bheith ar fáil faoi réir chórais ghlaoch amach na Comhairle lasmuigh de ghnáthuaireanta oibre, i dtaca le leithéidí cothabháil gheimhridh agus freagairt éigeandála;

- Cuidiú a chur ar fáil i dtaca le leagan amach;
- Maoirsiú a dhéanamh ar Chonraitheoirí a bheadh ag obair don Chomhairle;
- Tuairisciú a dhéanamh don Mhaoirseoir Seirbhísí Bóithre ar chaiteachas, de réir mar ba ghá;
- Na dualgais thuas (nó a gcomhionann) a chomhlíonadh do réimsí eile den Chomhairle de réir mar a shanntar iad.

3. Cáilíochtaí & Riachtanais an Phoist

(a) Carachtar

Beidh dea-cháil ar na hIarratasóirí.

(b) Sláinte

Beidh sláinte ag iarratasóirí a thabharfadh le fios go bhfuil siad ábalta seirbhís rialta, éifeachtach a chur ar fáil.

Beidh ar iarratasóirí ar éirigh leo sa phróiseas earcaíochta dul faoi scrúdú leighis a dhéanfaidh Comhairleoir Sláinte Ceirde na Comhairle roimh cheapachán.

(c) Oideachas, Oiliúnt, Taithí, Etc.

Ar dháta deiridh chur isteach na bhfoirmeacha iarratais, caithfidh an méid thíos a bheith ag iarratasóirí:

- Caighdeán maith Oideachais a bheith acu;
- Ceadúnas tiomána iomlán bailí Chatagóir B a bheith acu (saor ó fhormhuiniú);
- Taithí a bheith acu roimhe seo ar:
 - Cothabháil bóithre agus Tionscadail Tógtha Bóithre;
 - Maoirseacht a dhéanamh ar fhostaithe;
 - Bheith ag plé leis an phobal i gcoitinne;
 - Sábháilteacht, Sláinte & Folláine ag an Obair agus taifid S&S a chothabháil;
 - Rialú costas;
 - Taifid a choinneáil.
- Scileanna maithe cumarsáide a bheith aige nó aici;
- Bheith in ann scileanna eagrúcháin agus ceannasaíochta a léiriú agus bheith in ann oibriú as a stuaim féin.

(d) Scileanna Inmhianaithe

- Cárta Pas Sábháilte bailí reatha a bheith acu;
- Teastas Láimhsiú Sábháilte bailí reatha a bheith acu,
- Cárta Sláinte & Sábháilteachta CSCS bailí reatha a bheith acu & Cárta Oibreacha Bóthair (nó Cárta Sínithe, Soilsiú & Cosaint CSCS);

- Bheadh cáilíochtaí teicniúla ina mbuntáiste.
- Bheadh buneolas ar scileanna ríomhaireachta ina bhuntáiste.

4. Mionsonraí an Phoist

(a) Ginearálta

Tá beartaithe ag Comhairle Contae Dhún na nGall painéal d'iartrasóirí cáilithe a chruthú fa choinne post mar **Saoiste - Seirbhís Bóithre** as a líonfaidh sé aon fholúntais a thiocfadh chun cinn.

(b) Promhadh

Beidh na hiarratasóirí a cheapfar ar promhadh ar feadh tréimhse ama, a shocróidh an Chomhairle. D'fhéadfadh sé go ndéanfaí an tréimhse seo a shíneadh, cinneadh a bheas faoi rogha na Comhairle.

(c) Luach Saothair

Is é seo an páscála náisiúnta seachtainiúil reatha: íosmhéid de €764.33 go dtí uasmhéid de €788.73. (de réir chiorclán EL 07/2025).

Íocfar na daoine a cheapfar ag an phointe chuí ar an scála tuarastail atá ag teacht le Ciorclán na Roinne.

Tosóidh iontrálaithe úra ag an íosphointe ar an scála.

(d) Bunáit

Socróidh an Chomhairle ar an áit a lonnófar post an Saoiste - Seirbhís Bóithre agus beidh sé seo ag brath ar an réimse áirithe agus an tseirbhís chuig a sannfar an sealbhóir poist.

(e) Cónaí

Beidh na daoine a cheapfar ina gcónaí sa cheantar ina mbeidh na dualgais le feidhmiú nó faoi fhad réasúnta de.

(f) Uaireanta Oibre / Saoire Bhliantúil

39 uair an chlog sa tseachtain na gnáthuaireanta oibre a bheidh ag an té a cheapfar. Beidh sé de cheart ag an Chomhairle na huaireanta oibre a athrú ó am go chéile.

Beidh ar iarrthóirí a n-éireoidh leo oibriú go tréimhsiúil taobh amuigh de ghnáthuaireanta de réir éilimh na seirbhíse bóithre.

Beidh ar Shaoiste na Seirbhísí Bóithre socruithe a dhéanamh le bheith ag obair ar bhonn róta, ar glaoch, agus obair as uaireanta a dhéanamh lena n-áirítear ar laethanta saoire poiblí.

Beidh liúntas saoire bhliantúla uasmhéid 25 lá.

(g) Riachtanas Tiomána

Beidh ar Iarratasóirí:

- (a) Ceadúnas Tiomána chatagóir B iomlán a bheith acu.
- (b) A bhfeithicil féin a bheith acu lena úsáid le linn a gcuid dualgas agus is le liúntais chuí a chlúdófar na costais bhainteacha. /
- (c) D'fhéadfadh sé, ó am go chéile, go mbeadh ar na daoine a cheapfar feithicil a thiomáint a chuireann Comhairle Contae Dhún na nGall ar fáil agus iad i mbun na ndualgas a shannann an Chomhairle

(h) Riachtanais Saoránachta

Ní mór d'iarratasóirí incháilithe a bheith, ar an dáta is déanaí lena nglacfar le foirmeacha iarratais comhlánaithe;

- (a) Ina S(h)aoránach de chuid Limistéar Eacnamaíoch na hEorpa (EEA). Cuimsíonn an EEA na Ballstáit den Aontas Eorpach, an Íoslainn, Lichtinstéin agus an Iorua; nó
- (b) Ina S(h)aoránach de chuid na Ríochta Aontaithe (RA); nó
- (c) Ina S(h)aoránach de chuid na hEilvéise de bhun an chomhaontaithe idir an AE agus an Eilvéis maidir le saorghluaiseacht daoine; nó
- (d) Ina S(h)aoránach neamh-EEA ar céile nó leanbh de shaoránach EEA, RA nó Eilvéiseach é/í agus a bhfuil víosa stampa 4 aige/aici; nó
- (e) Ina d(h)uine ar bronnadh cosaint idirnáisiúnta air/uirthi faoin Acht Cosanta Idirnáisiúnta 2015 nó aon bhall teaghlaigh atá i dteideal fanacht sa Stát mar thoradh ar athaontú teaghlaigh agus a bhfuil víosa stampa 4 aige/aici; nó
- (f) Ina S(h)aoránach neamh-EEA ar tuismitheoir leanaí cleithiúnaí é/í atá ina s(h)aoránach de chuid, agus ina c(h)ónaí i mBallstát de chuid an EEA nó san RA nó san Eilvéis agus a bhfuil víosa stampa 4 aige/aici.

(i) Coinbhleachtaí Leasa

Ní ghabhfaidh sealbhóir an phoist d'aon slí bheatha shochrach, seachas mar fhostaí de chuid údarás áitiúil, a mhéid a dhéanfaidh dochar do chomhlíonadh a dhualgas nó a dualgas mar fhostaí d'údarás áitiúil nó d'aon slí bheatha a d'fhéadfadh a bheith ar neamhréir le leasanna an údaráis áitiúil nó a d'fhéadfadh a bheith ar neamhréir le comhlíonadh a dhualgas mar fhostaí de chuid údaráis áitiúil.

(j) Grinnfhiosrúchán an Gharda Síochána

D'fhéadfadh go mbeadh iarratasóirí faoi réir Ghrinnfhiosrúchán an Gharda Síochána. Tabhair faoi deara go gcaithfidh gach iarratasóir Nochtadh Grinnfhiosrúcháin sásúil ón Gharda Síochána a fháil roimh cheapachán, seachas sin, tarraingeofar siar an tairiscint fostaíochta.

Sa chás go léiríonn Nochtadh Grinnfhiosrúcháin an Gharda Síochána go bhfuil cás ar feitheamh, ní fhéadfar leanúint ar aghaidh leis an cheapachán ag an am sin agus tarraingeofar siar an tairiscint fostaíochta. Coinneofar an t-iarratasóir, ar an phainéal, áfach, agus beidh sé á mheas don chéad fholúntas eile, má thagann a leithéid chun cinn le linn saolré an phainéil.

5. Próiseas Earáíochta

A. Foirm Iarratais / Application Form

- Ní mór iarratais a dhéanamh ar **an fhoirm iarratais oifigiúil ar líne** agus ní mór gach cuid den fhoirm a bheith líonta go hiomlán.
- Caithfidh iarratais a bheith faighte againn faoin spriocdháta mar atá luaite ar an gcóras.

B. Gearrliostú agus Agallaimh

Is féidir iarratasóirí a ghearrliostú faoi choinne agallaimh ar bhonn an eolais a chuirtear ar fáil. Sa chás go mbeidh gá le beart gearrliostaithe, tionólfar Painéal saineolaithe leis na foirmeacha iarratais a scrúdú agus a mheas de réir critéir réamhshocraithe, bunaithe ar riachtanais an phoist. Mar sin de, bheadh sé le do leas cuntas mion, beacht a thabhairt ar do cháilíochtaí agus ar do thaithí ar an fhoirm iarratais.

Má mheastar, mar gheall ar líon agus caighdeán na n-iarratas a gheofar, gur réasúnach gan gach iarratasóir a chur faoi agallamh, ní ghlaofar chun agallaimh ach daoine ar dócha go ngnóthódh siad caighdeán ar leor é chun iad a roghnú agus a mholadh faoi choinne ceapacháin.

Ná glactar leis gurb ionann duine a iontráil i gcomórtas nó cuireadh chun agallaimh a chur ar an duine sin agus a thabhairt le tuiscint go mbeadh Comhairle Contae Dhún na nGall sásta go gcomhlíonann an duine sin riachtanais an phoist.

C. Ceart ar Fhaisnéis agus Athbhreithniú - #GRS 001

Tá an Chomhairle tiomanta d'aiseolas agus faisnéis a thabhairt d'iarratasóirí. Mas mian le hiarratasóir ar bith é, is feidir leo iarraidh go ndéanfaí athbhreithniú ar aon chinneadh nó at an phróiseas féin.

Caithfear a leithéid d'iarratas a chur isteach i scríbhinn, ag lua an uimhir thagartha thuas, ag cur in iúl na cúise atá leis an iarratas agus caithfear é seo a chur faoi bhráid na Rannóige Acmhainní Daonna, Ionad na dTrí Abhainn, Leifear, Co. Dhún na nGall laistigh de chúig lá oibre ón dáta ar tugadh fógra faoi chinneadh ábhartha.

D. Rúndacht

Faoi réir fhorálacha an Achta um Shaoráil Faisnéise 2014, is faoi rúndacht dhocht a phléifear le hiarratais.

E. Eile

Tá ceapacháin na Comhairle faoi réir seiceálacha sásúla maidir le teistiméireachtaí, cáilíochtaí, scrúduithe leighis agus Grinnscrúdú Garda, mar is cuí.

F. Cúis Dícháilithe í an Chanbhasáil

Dícháileofar iarratasóir ar an toirt ón phróiseás earcaíochta a dhéanann iarracht (nó a ndéanann duine iarracht ar a s[h]on) oifigeach de chuid na Comhairle (nó duine a ainmníonn sí le hagallamh a chur ar iarratasóirí nó iad a scrúdú) a chanbhasáil nó tionchar a imirt air/uirthi ar son an iarratasóra, go díreach nó go hindíreach, bíodh sé i bhfoirm cumarsáid scríofa nó eile.

G. An Rialachán Ginearálta maidir le Cosaint Sonraí

Tá Comhairle Contae Dhún na nGall meáite ar do chuid sonraí pearsanta a chosaint agus comhlíonaimid ár gcuid oibleagáidí faoi na hAchtanna um Chosaint Sonraí, 1988 – 2018, agus faoin Rialachán Ginearálta maidir le Cosaint Sonraí.

- An Bunús ar a bPróiseáiltear do chuid Sonraí Pearsanta

Is é an bunús ar a bpróiseáiltear do chuid sonraí pearsanta ná d'fhonn d'iarratas ar an phost dár chuir tú isteach air le Comhairle Contae Dhún na nGall a phróiseáil faoi Théarmaí Acht Fostaíochta (Faisnéis) 1994 agus polasaithe agus gnáthaimh na Rannóige Acmhainní Daonna.

Nuair a fhaighimid d'fhoirm iarratais, cruthaímid taifead ríomhaire faoi d'ainm, ina mbíonn cuid mhaith de na sonraí pearsanta mar atá luaite agat i d'fhoirm iarratais.

Ní úsáidtear an taifead pearsanta seo ach amháin chun d'iarratas a phróiseáil. Tá tú i dteideal, in am ar bith, cóip den fhaisnéis faoi dtaobh díot féin, atá á coinneáil ar taifead againn, a fháil.

- Comhroinnt na Faisnéise

Taobh amuigh den fhoireann earcaíochta iomchuí, ní dhéanfar na sonraí ar d'fhoirm iarratais a chomhroinnt ach d'fhonn an comórtas ar chuir tú isteach air a chur chun cinn in éineacht le Bord gearrliostaithe agus/nó agallaimh ainmnithe.

Más amhlaidh, i ndiaidh an chomórtais, go gcuirtear ar Phainéal thú agus go dtairgtear post duit, beidh na sonraí a chuir tú ar fáil i d'fhoirm iarratais mar chuid den Chomhad Pearsanra s'agat.

Sa bhreis air sin, sa chás go dtairgfí post duit agus go ndearbhófá ina dhiaidh sin gur spéis leat an post, bainfear úsáid as na sonraí ar d'fhoirm iarratais d'fhonn taifid seirbhíse agus teistiméireacht fostaíochta a iarraidh.

- Tréimhse Stórála

Coinneofar d'iarratas go ceann dhá bhliain ó dháta bunaithe an phainéil don phost seo. Déanfar iarratais nach gcuirfear ar aghaidh chuig céim an agallaimh a scriosadh i ndiaidh an chomórtais.

Is féidir teacht ar Ráiteas Príobháideachta Chomhairle Contae Dhún na nGall ag: www.donegalcoco.ie